

nobiscum fuit, bonam habuit voluntatem et humilitatem, seu in servicio Dei seu etiam 800
in lectionis studio. Et quicquid ille accepisset¹, fac eum partiri^a cum plurimis; ut Mart. 19.
sermo Dei crescat in ecclesia, cui Deo dispensante deservies.

Saluta, obsecro, omnes fratres nostros in pace et caritate patremque nostrum
5 Alimum episcopum^{b 2} et ceteros consacerdotes vestros. Hortare illos semper ad prae-
dicationis officium. Memento, dum pallium accepisti³ ab^c apostolica sede, maius te
accepisse onus et debitorem esse omni personae et dignitati^d fiducialiter verbum Dei
praedicare. Noli, noli tacere; sed clama et non cesses, exalta sicut tuba vocem tuam Isai. 58, 1.
et ostende omnibus viam salutis aeternae, et dic: 'Currite, haec est via regia, haec
10 est strata publica, quae ducit ad palacium dei Christi; in quo est pax, laus^e et gloria,
ad quem^f pervenientes memores estote mei'.

Kalendis^g Novembris solemnitas omnium sanctorum⁴. Ecce, venerande pater
Arne, habes designatam solemnitatem omnium sanctorum, sicut diximus. Quam con-
tinue in mente retineas et semper anniversario tempore colere non desistas; adtendens
15 illud et intente considerans, quoniam, si Helias, unus ex illis in vetere testamento, Iac. 5, 17. 18.
oratione sua, dum voluit, claudere caelum potuit praevaricatoribus et aperire conversis,
quanto magis omnes sancti in novo testamento? ubi eis specialiter et patenter^h claves
regni caelestis commissaeⁱ sunt, et claudere caelum possunt incredulis et aperire cre- Matth. 16, 19.
dentibus, si intima dilectione honorificantur a fidelibus et coluntur glorificatione eis
20 condigna. Quod ut fieri digne possit a nobis, lumen verum, quod inluminat omnem Ioh. 1, 9.
hominem, Christus Iesus inluminet corda nostra, et pax Dei, quae exsuperat omnem Phil. 4, 7.
sensum, per intercessionem omnium sanctorum eius, custodiat ea usque in diem aeterni-
tatis. Hanc solemnitatem sanctissimam tribus diebus ieiunando, orando, missas canendo,
et elemosinas dando pro invicem sincera devotione precedamus.

194.

25 Alvinus Arnoni archiepiscopo Salisburgensi pro muneribus missis gratias agit.
Addit de disputatione cum Felice episcopo Urgellitano habenda; cui et Paulinum patri-
archam Aquileiensem et Arnonem interesse cupit. De libris remittendis; de Adelberto.
800 Mart. 19.

Codd. S 1 fol. 134'—135' (S 1* fol. 35'—37).
30 Edd. F 77, J 135. — Migne col. 296.

DILECTISSIMO FILIO AQUILAE ALBINUS SALUTEM.

Acceptis sacerdotalibus dilectionis tuae muneribus cum magno gaudio et laetitia,
simul et suavissimis litteris, in quibus omni favo dulcior redolebat mihi caritas. Et
quam saepius probavi semper amavi. Et quadam familiaritate intra cordis mei arcana
35 quasi thesaurum desiderabile tuae faciei et nominis memoria reconditur, et quod
nigrum in capillis videtur⁵ candidum in corde amatur.

^a) partire S 1. ^b) epō S 1. ^c) ab addidit Frobenius. ^d) dignitate S 1. ^e) locus S 1.
^f) quo S 1. ^g) Kalendis — praecedamus, quae fol. 148' codicis S 1 exstant, librarius ab epistola praece-
dente separare voluisse videtur, om. S 1*. ^h) patienter S 1. ⁱ) commise S 1.

40 1) didicisset. 2) Sabionensem, cf. librum confraternitat. S. Petri (Necrol. Germaniae II, 12),
ubi in ordine episcoporum vivorum vocatur Alini episc. et congr. ipsius; Poet. Car. II, 639 V, 5.
3) anno 798; v. supra p. 246 n. 1; p. 286 n. 3. 4) Cf. ad hunc locum Hauck Kirchengesch. II, 409.
5) Cf. ep. 239 infra: non propter nigros in capite capillos.